

KONTROL MOZIOA

EMAKUMEEN ETA GIZONEN BERDINTASUNERAKO DONOSTIAKO V. UDAL PLANA (2026-2029)

EH BILDU udal taldeko zinegotzi Sandra Barrenetxea Diezek, Udalbatzaren Organo Araudiaren 98. artikulua ematen duen babesa aintzakotzat hartu eta EMAKUMEEN ETA GIZONEN BERDINTASUNERAKO DONOSTIAKO V. UDAL PLANARI (2026-2029) buruzko **KONTROL MOZIO** hau aurkezten dio Udalbatzaren **Osoko Bilkurari**.

JUSTIFIKAZIOA

2025. urte osoan, Donostiako Udalaren Emakumeen eta Gizonen Berdintasunerako V. Plana lantzen aritu da Udala maila teknikoan. Plana gauzatzeko epea 2026tik 2029ra bitartekoa da.

2025eko otsailean aurkeztu zuten proiektu horren egoera Berdintasun Kontseiluan, eta adierazi zuten «sormen-talde» batzuk eratu eta Kontseiluan parte hartzen duten emakumeei ere egingo zietela gonbita haietan parte hartzera, kontraste-gunea ez ezik, ekarpenerako gunea ere izan dadin. Kontraste horiek ekainean egitea aurreikusitua zen.

Ekaineko Kontseiluan berriro aztertu zen gaia, eta ez zen lehen proposatutakoari buruzko azalpenik eman. Urriaren 2an egindako Kontseiluan Planaren edukiak aurkeztu zituzten, eta urriaren 28a izatea jarri zen ekarpenak posta elektronikoz egiteko azkeneko eguna. Beraz, 2 asteko epea eman zuten ekarpenak egiteko, azken dokumentua azaroaren 19an aurkeztuko zutela-eta. Egun hartan egindako Kontseiluan, elkarte batek eta gure talde politikoak egindako ekarpenak aztertu ziren, eta bileran ziren batzuek ere adierazi zituzten gauza batzuk eta ekarpenak hartzeko eskatu zuten.

Kontseilu hartan, Ane Oyarbide zinegotziak azaldu zuen ekarpenetan jasotako zer elementu sartu zen eta zer ez. Batzuk sartzeko arrazoiak eman bazituen ere, beste batzuk ez sartzeko ez; baina, ez zuen gai garrantzitsu batzuk ez integratzeko arrazoiei buruzko irizpide argirik eman, arauetan berariaz jarrita dagoen

arren Berdintasunerako Planak nahitaez heldu behar dien gaiak direla gai haietako batzuk. Era berean, ez zen ekarpenen inguruko eztabaidarako eta hausnarketarako aukerarik ere izan; izan ere, bilerak ordubete irauten zuen eta ez zegoen alde zuretik jakiterik zer ekarpen jaso zen eta zergatik sartu ziren edo ez ziren sartu.

Hala, Pertsonentzako Zerbitzuen Batzordean Ane Oyarbide zinegotziari galdetu genion gai horren eta Emakunderen txostenaz, planaren edukien gaineko txostena egin behar izaten baitu Emakundek plana onartu baino lehen (hala jartzen du arloko legearen 16.6 artikulua). Erantzunak berretsi besterik ez zituen egin lehen egindako kritikak; izan ere, Emakundek eskatzen baitio Udalari betetzeko, besteak beste, Berdintasunerako Legearen 16. artikulua jartzen duena, eta, hala, aurrekontu bat egiteko Planak irauten duen urte guztietarako, eta, betetzeko, orobat, arauetan agindutako beste kontu garrantzitsu batzuk ere; adibidez, plana egiteko oinarri izan duen diagnostikoa zehaztea, kudeaketa-egiturak indartzea eta Emakundek orain dela 8 urte berdintasun-politikek izan behar dituzten egiturez jarri zituen kalitate-estandarrei erantzutea behingoz, oraindik ez baititu betetzen estandar horiek Udal honek.

Lehen aipatutako Berdintasun Kontseiluan, gure taldeak eta beste elkarte batzuek, esplizituki kritikatu zuten, Ane Oyarbide ordezkariak emandako argudioak entzun arren, aurrekonturik ez izatea; zinegotzi ordezkariak azaldu baitzuen 2026koa zela aurrekontua, eta ez zuen Plana garatzeko gainerako urteetarako beste aurreikuspen eta konpromisorik aipatu batere. Hori ez ezik, planak duen aurrekontuak ez dio erantzuten ezta Berdintasunerako 2030 Estrategiari ere, urtero % 1,5eko aurrekontua izatea jartzen baitu hark xede.

Duela gutxi onartu zuen Gobernu Batzarrak Berdintasunerako V. Plana, Berdintasunerako Kontseiluak eta Osoko Bilkura hau osatzen dugun alderdi politikoek benetako eztabaida edukidun bat izateko aukerarik gabe eta baita akordio batzuk lortu nahi izan gabe ere, aipatutako gabeziez gain, kontraesan batetik abiatzen den plan bati eusteko moduko akordio batzuk; izan ere, 2029ra irautea jartzen badu ere, Gobernu Batzordearen onarpena besterik ez dauka planak, eta ez Osoko Bilkura honena.

Horiek horrela direla, hauex da EH Bildu udal taldeak dakarren **KONTROL MOZIOA**:

- Donostiako Udalaren Osoko Bilkurak Gobernu Taldeari eskatzen dio sartzeko planean Emakundek Emakumeen eta Gizonen Berdintasunerako V. Planaz egindako txostenean adierazitako gomendio guztiak.

Donostian, 2026ko otsailaren 20an

Sandra Barrenetxea Diez, EH Bildu udal taldeko zinegotzia